

DISSERTATIO PHYSIOLOGICA,
AN A PLETHORA, AN A COMMUNIBUS
CIRCULATIONIS LEGIBUS PRODUCUNTUR

CATHAMENIA?



*ADMINISTRATORIBUS Collegii Æqualitatis, in æternam
gratitudinis suæ memoriam, vovet dicat & consecrat
primitias laboris sui ANDREAS FRANÇOIS, Æduus,
Liberalium Artium Magister, Saluberrimæ Facultatis Medicæ
Parisiensis Baccalaureus, & Alumnus Collegii Æqualitatis.*


. Qui nobis hæc otia fecit
Ille mihi semper erit Deus illius aram
Sæpè tener nostris ab ovilibus imbuet agnus.

VIRGIL, Eglog. I.

PRO ACTU PUBLICO,

Ab octavâ ad meridiem.

PARISIIS, ANNO 1792, REIPUBLICÆ PRIMO.



DEO OPTIMO MAXIMO,
UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé
Médecine
Paris

QUÆSTIO PHYSIOLOGICA,
QUOD LIBETARIIS DISPUTATIONIBUS

*manè discutienda in Scholis Medicorum, die Jovis tertiâ mensis'
Januarii, anni M. DCC. XCIII. Reipublicæ Gallicæ primo.*

M^o. LUDOVICO-CYPRIANO MONTAIGU, Doctore Medico, Præside.

An à plethorâ au à communibus circulationis legibus producuntur cathamenia?

I.

A PUBERTATIS instanti, statuto mensis intervallo periodice cruor epudendis muliebribus fluit; *fluxus menstruus* inde vulgatissime dictus (1) at mirum, quantum ingenia medicorum torserit indaganda hujus phænomeni ratio: hinc nata sententiarum diversitas, eò major, quod res suapte obscuritate sit difficillima vix ullorum, figmentorum avida, quieverit imaginatio, & sua unique placent.

II.

VETERES voluerunt menstruas, lunæ influxui obedire, itaque hujus astrologici sistematis acerrimi deffensores fuerunt Avicenna, aliique arabes, qui calculo nixi contendebant, juniores ineunte lunâ, medias mediâ phæbe, vetulas vero jam decidente lunâ menstruari alii ducibus chalmetone, Graffio & Draakio, asserunt. menstruas oriri ex fermento æconomix muliebri peculiari; quod fermentum juxta Draakium residet in bile vesiculari (2) Boherravius autem Freindius, Hallerus, omnes que recentiores, cûm Hippocrate & Aristotele, voluerunt fluxum menstruum oriri a plethorâ essentiali, ex nutritionis superabundentiâ, paulatim accumulâtâ in vasculis sanguineis, valvulis carentibus uteri. Multiplicibus objectionibus obruit illud sistema V. G. quare abundantes phlebotomix vix suppleant suppressis menstruis, cur toties *sectâ ante menstruarum tempus*

(1) Multiplici nomenclaturâ insignitur fluxus menstrualis, græcè dicitur *πυρρὴ χειρ*, *καθαμένηα*, *μεσσημένηα*, Latine mensis fluor muliebris menstrua, purgatio septimanæ rubra gallicè. *Regles ordinaires*, mois. Vid. Freind. Emmenalog.

(2) Draak, Antropographiâ.

(a) Hoffm. *venâ vulgò compertum est liberiores eorum fluxum fieri* : Frederic Hoff. (a) quare viragines (plethoricæ sanè), vix menstruantur, dum è contra copiosis mensibus, imò quidem hæmorrhagiis uterinis, vexantur sæpius imbecilliores; & ex succæ quasi mulieres. An tam periodica plethora, cur mæror, timor, frigus, quibus perspiratio minuitur, ideoquè plethora augetur, tamen purgationem menstruam sæpè

(b) Vide Diar. *supprimunt* ast D. Lecat (b) myrto coronatus causam determinantem menstruas oriri docet ex *phlogosi amatoriâ* (3) quæ vocat *aduterum sanguineam* & quasi *inflammatoriam collectionem*.

1764.

(a) Rioli, antropographia.

Non fluunt menses in pueris, quia nundum exundis emerit venus, cessant adveniente senectâ, quia gelida senectus nudos congelat amores, quamvis dicat Horatius *nec vespere surgente decedunt amores*, non tam periodici menses, certè non tam periodicus est inconstans veneris puer juvenus est ætas voluptatem ideo menstruarum sed posset respondi D. Lecat cum riolano : *ergo è medio fonte leporum surgit amari aliquid quod ipsis in floribus angit* (a).

III.

TOT lites inter viros tam clarissimos obortas, nobis componere posse non confidimus, probè conscii, quid valeant humeri graciles nostri quid ferre recusent. Sed tantum unico veritatis amore perciti nil dictum erit nisi quod rationi imaginationique nostræ magis arridebit.

Non omnibus unum est
Quod placet hic spinas colligit ille rosas
Hic labor hinc laudem fortes sperati coloni.
Virg. Georg.

Itaque seorsim dicemus, 1°. de anatomia uteri; 2°. de causa determinante fluxum menstruum; 3°. de ejus natura & periodicitate, nec non terminatione; 4°. de ejus aberrationibus aliisque quæsitis vel obscuris.

V.

UTERUS est pars in fæmineo sexu reperiunda, vesicam inter & intestinum rectum; intuscava, pyrum aliquomodo compressum figurâ æmulans, magnitudine variâ, pro diversâ ætate, prout, venere vel usa est, vel abstinuit mulier. In uxoris, precipue matribus, grandior est quam in virginibus. Longè notabiliorem quoque molem obtinet in gravidis, nec tamen est minus crassa (4) at in vetulis, maximè contractata. Dividitur in fundum latiore, superiore; ab omni connectione arcuâ liberum & cervicem angustiore, vesicæ intestinoque recto coherentem. Terminatur orificio, cujus labia transversim posita, hiant paulatim: vocatur autem hoc orificium gallicè (*muséau de tanche*) decidit in magnum uteri ductum seu vaginam. Totam hanc molem vestit membrana è peritonei duplicaturâ quæ ad partes laterales producta & expansa nomine ligamentorum latorum insignitur (5). Ex parte supernâ laterali infra rubas fallopianas, profiliunt duo fas-

(3) Quid simili puto jam scripserant Terenzoni, Vieussens & Taurvy, sed simpliciter dicebant menses oriri à fermentatione putridâ incipienti, quam D. le Cat, causam vindicat suâ *phlogosi amatoriæ*.

(4) Graaf Dewenter, Heister, Morgagni, Levret, Beaudeloque.

(5) Vid. Morgagni. adversat. 4. p. 49.

ciculi subrotundi, lacertosi, qui annulos musculorum obliquorum permeant, & exin descendendo disperduntur in partes externas pubis, vocantur autem ligamenta rotunda (6). Uteri substantia vasculosa est, quasi spongiosa, cellulosa, fibris carneis diverso sensu reticularem in modum ordinatis; intrâ ejus interfistitia, membranulæ moles, videntur sulcire sinus, sinus amplos, fluxuosos, in gravidis certè conspicuos; secum in vicem communicantes, cum arteriis & venulis, quod probat injectio flatus & compressio uteri mortuæ menstruentis (7). Uteri interiora versus fundum, scatent foraminulis, vasorum peculiarium fortè orificiis. Cæterum apparatus externo penè similis, superficie aspera est, rugis assurgentibus transversim, valvulas æmulantibus, quas inter, lucunæ & folliculi mucosi observantur. Hæ autem rugæ confici videntur, ex duplicatâ membranâ interiori subtilissimâ proflissimâ & versus fundum lævi. Cavitas autem uteri triangularis, cujus inferior angulus vocatur collum. Superiores autem duo accipiunt orificia tubarum. Vasa habet uterus, copiosissima sanguinea & lymphatica (8) sanguinea scilicet ex hyppogastricis spermaticis siquidem nonnullos accipit ramos ab hæmorrhoidalibus (9). Arteriæ uterinæ secum omnes communicant miris anastomosis, venæ arteriis correspondentes valvulis carent. Lymphaticâ cum inguinalibus conjugata (10) ad commune pequetii centrum tendunt nervi autem uteri sunt è sympathicis lumbaribus & sacris.

V.

VAGINA collo uteri adnascitur, obliquè vesicam inter & rectum quibus arctè cohæret, descendit terminatur sphinctere qui hymene membranâ in virginibus, in mulieribus autem carunculis myrtiformis angustatur. Canalis amplius est, substantia membrano carnea, intus aspera, præcipue in virginibus, assurgentibus rugis interquas observantur papillarum series plus minùsve distinctarum & lacunæ satis crebræ, quæ sunt præparata orificia vasorum excretoriorum glandularum Cowperii. Vasa omnigena sunt in vaginâ sed pauciora quam in utero; arteriæ ex hyppogastricis & hæmorrhoidalibus. Venæ congeneres. Hæc vasa communicare cum uterinis satis superque notum est, nervi numerosi è sacris & è sympathicis oriuntur.

VI.

OBSERVANDA.

1°. VASA ut eri sanguinea quæcumque, hiant insinus uteri, descriptos, n°. 4, vel fora minulis suis immediate aperiuntur in fundo uterino. Aorta descendens major est in mulieribus quam in viris ergo major esse debet pressio sanguinis in inferioribus partibus.

2°. In cadaveribus mulierum quæ durante fluxu menstruo perierant, reperiuntur uterus crassus tensus, ejus vasa turgida & leviter pressa fundentia humorem incavo uteri poris sensu obviis (11).

(6) Gasp. Bauh. Lieutaud in hest. Winslow.

(7) Malpighi de utero, Winslow de abdomine littrius grauf mauriceau, Levret.

(8) Vineff. nov. sist. vas. lymphatæ. p. 2.

(9) H. Bartol. p. 165. Boherr. phys. n. 664. nec mirum inde si toties menstruis hæmorrhoides suppleant.

(10) Mascagni. descrizione de gli vasi linfatici. v. prodrome.

(11) Littre act. Academ. ann. 1730. p. 20. Dionis, Barthol. Anatom. reforme. p. 162.

3°. In mulieribus uteri prolapsu laborantibus tam notabili ut adusque vulvæ marginam descendisset, semper deprehitur ex uteri cavitate solâ menses prodire (12).

4°. Experimentiâ certissimâ omni curâ practâ in variis subjectis (13) constat, mulierem non minus penderare post menses quam antè, quod evertit opinionem freindii qui supponit inter binas periodos gradatim notabilem cescere plethorâ; confidens sanctorio asserenti, quod in mense corporis humani pondus ad unam binamve libram augeatur: & tabulæ Keilianæ & experientia, hujus inanditi incrementi falsitatem demonstrant. Quot præterea varietates inducunt temperamenta ætas loca cupidines morbi victus consuetudines.

5°. Cessat incrementum corporis, non quia rigidior sit fibra quam ut extendatur, nec minuitur vis elongans, sed quia pervia jam omnia vasa appulsum sanguinis, & vires cordis non amplius sollicitant ut videre est ex immutatione velocitatis pulsus cum crescere desinivit animal (14) cujus doctrinæ veritas confirmatur ex immensâ mole quam obtinent quandoque obstructions.

V I I.

EXPLICATIO SISTEMATIS NOSTRI.

QUI hûc usque menstruarum causas expandere voluerunt (a), solam sanguinis copiam aspexerunt, & dixerunt menses esse hæmorrhagiam passivam (15). Solidorum tonum negligentes sic & eorum elasticitatem, & motum circulationis solitum: plethoram modo localem modo universalem quâ vasa rumpebantur prædicabant.

V I I I.

AT putamus nos menstruarum causam efficacem reperiri, in motu circulationis solito, qui semper tendit ut perviora reddat vasa, quorum resistentia & elasticitas major minorve sit obex. quovires cordis plus minusve excitantur; ut notum est ex theoria circulationis. Et enim vasa uteri debilia, flexuosa, beantibus quasi orificiis donata in sinibus uteri superius descriptis admittunt sanguinem ut cæleræ partes sed cum dilatationi capaces sint flexibus quæ retardata circulatio, facilius à sanguine appellente, dilantatur, beant, labiturque sanguis in sinibus prædictis usquequo sint satis dilatata, quam ut distendent fibras quasdam motrices textus reticularis uteri, quæ fibræ in se redeunt (16) comprimunt sinus & depluit sanguis in cavo uteri pedetentim vacuantur. Tunc propriâ elasticitate in se redeunt paulatim vasa & ex iis primo minus rubrum tandem nil exit nisi lymphaticum quid exhalans quod omnes coporis cavitates irrorat. Nisi quando de nova dato temporis intervallo dilatata iterum fuerint uteri vasa impletique compressique sinus. Si quæsierit cur statuantur limites, dilatationi & contrac-

(12) Litt. ibid. Morgagni. Hist. compend. Anatom. p. 310. Winslow de abdomine Graaf. Hygmor. VanSwieten. p. 350. t. 4.

(13) Salmonis thes. de flux. muliebr. epistola Lamurii ad salmonem Mompelii 1745.

(14) Symptom the sistem of Womb.

(15) Hemorrhagia activa ea est, quæ aucto circulationis motu vel tono solidorum pellit extravasa sanguinem passiva autem ea est quâ solito motu aperto vel à tonico facto vase labitur sanguis.

(16) Huic sistemi nostro aridet sequens. Hipp. locus, cum menses apparituri sint, os uteri sese magis ac alias contrahit. Vid. de superfætatione & natura muliebri.

nioni vasorum & sinuum urerinorum hic quæso velit exponere cur in sistole non omnino vacuentur arteriæ, & citò succedat diastole toto vitæ curriculo.

I X.

ACTIVA haberi debetur menstrualis hæmorrhagia, quia solidorum resistentiâ, augetur circulatio; & eorundem solidorum reactio sanguinem exprimit. Actio illa tonica fit sensibilis pulsui & en descriptio pulsus jam jam menstruaturæ (a). *pulsus ille est plerumque magis expansus, & elevatus quam antea, simul est inæqualis & dicrotus* (17), *licet nec adeo frequenter nec tam distinctè percipiatur ac in nazali. Videtur enim arteriam tempore diastoles, non bis ferire digitum in eodem arteriæ puncto, sed successive in duobus diversis punctis.*

(a) Borden, solano duu- que muenet.

X.

HOC sistemate nostro facile omnia menstruationis phænomena explicantur. Nec necessarium est ampliùs admittendi menses non fluere, nisi quando corpus ad *apex* seu perfectionem suam perventum plethorâ turget. Quod aliter fieri sciunt omnes. Nam quot quotiesque puellæ notabiliter crescunt post primam mensium apparitionem. Apparent autem menses, quando jam evoluta sunt uterina vasa antea complicata & ferè pulposa. Id probatur excomparatione adolescentum, qui jam puberes crescunt pubescunt autem cum evolvuntur penis & testium vasa (18).

X I.

CUM in urbibus victu lautiori, cupidinibus, & forte acutie ingenii (19) sic & in calidioribus regionibus igne virifico vel temperamento acrebilioso augeatur vis circulationis. En ratio quare his in locis à decimo quodque anno menstruantur puellæ, etsi nostris in regionibus raro antè decimum tertium solito fluor muliebris appareat; dum viragines rusticanae, laboriosæque mulieres quarum fibræ rigiditas virilem penè æmulat, ferius & vix menstruantur. Etenim robustæ illarum fibræ dilatationem vasorum ægerrimè permittunt. Contrà verò delicatæ mulieres copioso menstruali fluxu vexantur. Imò quidem debiles & ex succæ, multò sapiùs ac aliæ hæmorrhagiis uterinis affliguntur. Atonica enim earum fibra contractionis incapax, finit fluere sanguinem, cujus appulsui resistere nequit. Nam lenta hecticæque febricula eas urit plerumque. Verum enim verò cum pedetentim, & gradu frigore glacie sipticis que injectionibus & fomentis vires tonumque parti restitutæ fuerunt. Sistitur hæmorrhagia (20). Ex his defluit quare equitatio, insolita exercitatio subita lætitia (21) electricitas mercurii inunctiones citando sanguinis motum menstrua excitent. Videre est etiam quare matrimonium tam profit frigidis chloroticisque Puellis. Coitus enim voluptuosum ere-

(17) Dicrotus pulsus dicitur quando arteria bis successive ferit digitum ineodem puncto.

(18) Vid. Haller. Element. Physiologiæ.

(19) Sic celsus de sanitate tuenda *Philosophia ut animo proficua sic & corpori noxia.*

(20) Ex his noscitur quam prudenti manu dari debeant calida emmenagogæ mulierculis v. g. rhuta fabina ferrum archemissa vinum.

(21) Lætitia quâcumque de causâ fiat auget circulationem & perspirationem ideo meatus red- duntur cavi sanct. aph. 19 sect. 7.

tissimum muscularemque succum excitat quibus augetur circulatio contractilitasque uteri evigilatur; nam dictum sit per tansennam, meretrices aliasque libidinosas nimis foemina rarius concipere ac alia; quia nimis contractus eorum uterus semen accipere nequit. Facile etiam ope sistematis nostri intelligitur quantum difficile periodos habent suos histericæ mulieres quarum fibra semper spasmodicè tenditur & quare tunc balnea phlebotome (22) emollientia & anti spasmodica toties profint (23).

X I I.

Ex hoc sistemate nostro unico de fluit quare puellulæ interdum menstruentur à primâ infantia. Sic legitur (24) puellam octiduo post ortum menstruatam fuisse; sed cum vix quartum attigerat annum partes genitales & mammae eodem modo se habebant ac in virgine octodecim annorum. Clarissimus Vanswieten affirmat se pariter vidisse infantulam à primo vitæ mense cathamenia habentem. Tunc sanè vis activa naturæ irritabilitas forte à sodali meo Belot tam prædicata, primo vasa uteri aggreditur antequàm aliis partibus attendat. Pariter in decrepito senio persistant adhuc fortunâ menses quandoque cum solito laxior fibra liquidioresque humores nundum obliteraverunt nec obstruxerunt vasa. At menses aliquando in prorrectâ senectute fluere multis auctoritatibus probatur sic enim puerarius Genevensis Medicus Thomæ Bartolino scripsit: *mulier octogenaria aduobus circiter annis menstruas purgationes patitur ωλκας (a) cum sanitates commode & ευφρα (b)* alibi legitur centesimo ætatis anno menstruas cessatas iterum fluxisse Acad. Scient. ann. 1708.

(a) Ordinatè.
(b) Facilita.
vid. ibi Barth.
epist. medic.
cent. 4. p. 432

X I I I.

CUR non fluant menses in gravidis id lucè meridianâ clarius est in orificiis vasorum prædictis, n°. 4, implantantur placentæ radícula cætera alia membranis fœtus obturantur. (25). Cum autem in vasto utero continetur parvulus fœtus libera adhuc vasa sanguinem ut solido fundunt, en puto explicatio menorragiæ advenientis quandoque in principiis graviditatis, at grumofus sanguis vasaque & sinus distenti in utero gravido toties reperti lochiæ tandem sanguineæ nostrum sistema probant satis. Sponte decurrit etiam è nostris principiis quantam periodici menses in benè valente muliere, quare audâ circulatione citatur evacuatio periodica, quare minutà retardatur cur mærore terrore frigore supprimuntur cathamenia cur lætitia aromatibus coïtu exercitatione excitantur. Quâ de causâ demum adveniente senectute terminantur at cum unus quisque periodus cessationem approximet. Poteest applicari. Prudentii carmen: *spharam ruina menstrualis destruet*, etenim ex unâ essentiali æconomix animalis

(22) Si sæpius venæ sectio mensium apparitionem faciliat ut docet experientia & locus Hoffmanni citati n°. 2. id sit quia tanquam ex optimo antispasmodico detenditur fibra vasorum & tunc facile per patentem viam fluit cruor.

(23) Ether laudanum moschus camphora castoreum gummi fœtidi.

(24) Acad. Scient. 1708. p. 52.

(25) Non autem ut aiebant veteres quia sanguis menstrualis sit alimentum fœtus. Vid. Alb. magin de secret. mulier. quæ contradictio hunc sanguinem quem venenum habebant salutare esse alimentum tenelli fœtus prædicebant.

lege notum est humidum paulatim dissipari, fibrâ rigescere & vires circulationis minui. Tunc vires agrestioræ minuuntur dum augetur obstaculum & causa cessationis menstruarum faciliè reperitur in obliteratione vasorum uteri quæ rigidiora ossæque quasi facta debiliori sanguinis columnæ meatum agerrimè primum, dein omnino non permittunt. Ex hac luctâ oriuntur distensiones fibrarum uteri undè tot hysterici morbi, quos toties juvare non valet missio sanguinis tam celebrata, nisi quando tanquam anti spasmodicum jubetur, nam à distentâ fibra omnis dolor.

X I V.

NEC difficilior superest explicatio symptomatum cathamēnia jamjam eruptura nuntiantium præter pulsus superius descriptum, n°. 8, lassitudines experiuntur ex eo quod major fluidi nervei copia impendatur cordi cujus actio augetur. Ideo minor pars musculis distribuitur dolores lumbos uteri distensione; pondus circâ has partes ex auctâ liquidi quantitate in uterinis vasculis color, rubor, pruritus, ex aucto attritu circulationis citata producuntur. Cephalagiæ, nausæ à nervosis conjugii explicantur. Tumor mammarum, præter anastomoses hypogastricarum & mammarium internarum arteriarum à clarissimo *Bertin* (26) prædicatas, oritur ex eo quod numerosis lymphaticis vasculis communi receptaculo fertur major lymphæ copia in ratione abundantioris sanguinis appellentis tunc difficilius admittitur lymphæ ex aliis partibus adveniens tument ergo glandulæ sinus aliæque eodem mechanismo ac tument inguinales glandulæ post pediluvium posset addi sympatica irritatio.

X V.

NON erumpunt menstruæ solito ante pubertatis tempus quia antea organa generationis pulposa & mucosa sanguini imperviasunt. Solæ mulieres Norwegiæ & Laponiæ hoc fluxu liberantur: ut affirmant Von-Linnée (a), & Olaius magnus (b). Quocirca prodeunt eo citius cessant. Id fit circiter versus annum quadragesimum quintum prodeuntes menstruæ nubilem nuntiant virginem cessatis autem conceptioni ineptus fit uterus (27), intervallum periodorum est quatuor hebdomadam 30 vel 32 dierum in muliere bene valenti. Fluxus vero 3 vel 4 dies perdurat protrahitur aliquando usque ad 7 dies, ultra fit morbus. Quo ad quantitatem sanguinis hoc medio evacuati, mira est auctorum dissidentia quæ posset explicari forte, ex consideratione locorum in quibus vivebant scriptores illi. Hippocrates enim qui in calidâ graciæ regione medicinam gerebat & docebat. Æstimavit quantitatem fluxus menstrualis, ad duas *heminas atticas* κοιναν, id est viginti quatuor uncias ponderum nostrorum. Astruchius, qui Monspelii scribebat ad sex decim uncias Hippocratis dictum reducit. At freindius plethorista systematis sui amore cæcatus, putavit nil nimis dixisse, superfluum evacuatum menstruis ad uncias vigeni æstimando. Observandum est tamen, freindium medicinam practicasse londini quâ in regione phlegmaticæ mulieres otiosæpleræque potibus calidis abutuntur præsertim thea nec mirum si copiosis laborant

(b) De re
Boreali.
Vid. not. pr.
n.º 12.

(26) Vid. Mém. de l'Acad. des Sciences. Ann. 1747.

(27) Non concipiunt quæ uteros siccos habent. Aph. 55. sect. 2.

menstruis recentiores vero Boherravius, Vanswieten, Haller, Dehaen dicunt, solito a tribus ad octo uncias sanguinis ad magis periodo evacuari. Sic enim Dehaen (25) « *accidit non nullas mulieres menstruo tempore tunc uncias sanguinis* » *admittere, semi libram raro, nullas autem uncias decem evacuare nisi defectu quodam* » *uteri aut morbo laboraverint.* » Ex hic tamen sanitas mulierum ut ait medicina princeps « *a menstruis copiosioribus morbi, at non prouentibus ab utero morbi accidunt* (29). » Sed quare post talem evacuationem certe constet non minus ponderare ac antea mulierem. Id fit sane a minutâ perspiratione, cujus pondus sanguinis ponderi supplet ut aphorismate sequenti sanctorii docetur. « *Quid liber sit* » *corporis dolor sive labor, cocti perspirabilis transitum impedit* (30). » Sanguis autem menstrualis purus & innocuus, & si scripserent Plinius, Columella, & Albertus magnus. Sic fatur princeps cois « *prodit autem sanguis, qualis ex victimâ, cito* » *que concrefcit, si sana est mulier.* Hipp. de morb. mulier lib. 1. c. 9. » Menstruæ autem sunt flores quæ arborem fructiferum nuntiant. Scitur enim post fluxum, conceptioni aptiorem fieri uterum; & viragines quæ parcius menstruantur, raro concipi. Ideo inter vetularum fabulas mittenda sunt sterilitas plantarum, rabies canina, morbi penis, mors erucarum, a sanguine ortis (30), ut contra a quibusdam tanquam pharmacum prædicatum fuit. Nec dedignatus est ecclesiæ romanæ princeps, cardinalis Dubois, primam ex hoc sanguine purpuram induere, quot etiam infames libidinosi lamb. Sed talia scribere penna recusât.

. Pulcra laverna,
Da mihi discere, da pulcrum sanctumque videre
Tu nox peccatis & fraudibus objice nubem
Nuda recede cotyto, tuus non iste libellus.

X V I.

SUPERVACANEUM foret sane evolvendi late cur mulieres non autem viri menstruis laborant. Id fit a varia constructione Viri enim utero carent; & si quidam, periodicam evacuationem V. G. Nazalem, hemerroidalem experti fuerint, hoc raro inordinate que evenit. Et sane errore naturæ in debilibus subjectis, parum per spirantibus, & ad naturam mucosam muliebrem tendentibus valde (31).

(28) De Haen ratio medend. p. 4. c. 6. pag. 204.

(29) Hipp. Aph. 57. sect. 5.

(30) Sanct. med. Stade. aph. 49. huic loco debetur addi, Hipp. seq. aph. *Auclâ enim secretionem aut excretionem cætera minuuntur.*

(31) Sic Columella indicat optimum remedium contra erucas si menstruas, nudis pedibus apertofinu resolutis quæcapillis ter circum igit hortum tunc.

. Mirabile visu
Non aliter quam decussâ pluit arbore nimbus,
Vel teretis malis vel testâ cortice glaudis,
Volvitur ad terram, torto corpore campe.

Columell. de re rustica. lib. 9. 357.

Hos etiam viros (32), *menstruantes*, ridiculo nomine cum græcis *Empedocles* vocavit *ὑπομήτραις* latine *uxorios*.

V X I I.

MULTIPLICES ad sunt rationes quare animalium foeminæ non laborent menstruis, præter laborem, & exercitationem, quibus roboratur fibra earum. Varia fabrica, firmior que constructio uteri famellarum brutarum (33), vetant ne appareant illis menstrua. Præterea horizontalis illarum situs sit ut pressio sanguinis vasorum latera urgeat, non autem orificia; nec mirum ergo, si simias quæ humanam constructionem fere ad æquant sapius quæ ac cætera animantia erectæ stant, & ambulant. Fluxu quodam menstruo, quandoque affectas fuisse (34); at cum menstrua a natura instituta videntur tantum ut conceptioni uterum præparent, non stupendum est si quidam fluxus stilletur evulvâ omnium foemellarum, cum oestro venereo agitantur. Id notabile est præcipue in jumentis de quibus virgilius dixit (35).

Hinc demum hippomanes, vero quod nomine dicunt

Pastores lentum destillat ab inguine virus

Hippomanes, quod sæpè malæ legere novecræ,

Miscueruntque herbas, & non innocua verba.

X V I I I.

EXPERIENTIA constat legiturque apud plures auctores menstruas impeditas, per heteroclitias vias erupuisse: sapius autem per hæmorrhoides pulmones & nares; unde hippocrates docuit in aphorismis. « *Menstruis deficientibus sanguinem* » *ex naribus fluere bonum.* » Per oculos & aures menstruas fluere vidit Skenkii (36), per gengivas, alvum, mammas pareus (37), & Galenus (38), per cutem illæsam mercatus (39), ipse ego vidi uxorem amici cujusdam mei cujus menstrua sub hæmoptoes forma prodibant. Hæc autem quæ aberratione naturæ fieri videntur, explicari possunt ex nostris principiis. Cum enim in superabile obstaculum vetat ne erumpant sanguinis turgida vasa uterina novam sanguinis copiam admittere non possunt. Tunc sanguis qui per arterias spermaticas & hypogastricas, utero quovis circulo deserti solet per laterales ramos & anastomoses alibi vehitur & massæ sanguinis redditus plethoram quoad vasa causat. Obstaculo nato excitatur vis cordis & tunc per vasa perviora, debiliora, valvulis

(32) Vid. Benivenium & Marcum donatum de medic. hist. Mirab. lib. 1. c. 2.

(33) Vid. Riolan. de homin. procreat. c. 7. p. 108.

(34) Id probatur ex anatomia comparatâ, vid. Haller, Vicq-d'Azyr.

(35) Buffon, hist. nat.

(36) Georg. lib. 3. v. 279,

(37) Skenkii, observ. medic. lib. 4. p. 635.

(38) Lib. 24. c. 62.

(39) De locis aff. in homine, lib. 6. c. 4.

(40) Mercatus de mulier affect. Lib. 1. c. 7. p. 269.

carentia impetum facit turgens cruor. Hic memoriæ revocandum est quoties & cur tot phthises pulmonales nascuntur tempore primæ, laboriosæque menstruationis.

Ergo a communibus circulationis legibus oriuntur cathamenia.

DOMINI DOCTORES DISPUTATURI.

<i>ROZE</i> , Chirurgiæ gallico idiomate Professor, in ann. 1789-90.	<i>PETIT-RADEL</i> , Chirurgiæ gallico idiomate Professor.	<i>DESCEMET</i> , Chirurgiæ gall. ed. ann. 1763-64, Physiologiæ & Patholog. an. 1769-71. Chirurgiæ lat. id. an. 1772-73 Professor.
<i>BOURDIR</i> .	<i>DESFONTAINES</i> .	<i>DANIÉ</i> , Artis obstetriciæ ann. 1761-63, Chirurgiæ gall. id. ann. 1763-69 Professor.
<i>DE MONTAIGU</i> .	<i>LAVERNE</i> , Artis Obstetriciæ ann. 1786-88. Professor, Physiologiæ & Pathologiæ Professor in ann. 1790-92.	<i>VACHIER</i> , Physiologiæ & Patholog. an. 1767-69 Professor.

Proponebat ANDREAS FRANÇOIS, Æduus liberalium artium Magister
Saluberrimæ Facultatis Medicinæ Parisiensis Baccalaureus.

Nota. Et si cum simsoniano sistemate analogiam quamdam primo aspectu habere videatur hipotesis nostra, pluribus essentialibus punctis ab illo differt. Etenim simsonius passivam vult hæmorrhagiam menstruarum nos vero activam. Simsonius neglexit vim contractilem uteri; & oblitus sane sinuum uteri docuit sanguinem immediate è beantibus vasorum orificiis in cavo uteri depluere; quidquid ex eo aliisque auctoribus collectum fuit. Notulâ & italico caractere indicatur, cæterum.

Primitias dedimus quas noster agellus habebat,
Quales extenui rure venire solent.



Typis QUILLAU, Saluberrimæ Facultatis Medicinæ Typographi. 1792.